

& Archi-Ducem Austriae, Dominam Annam Hungariae Reginam natam in Uxorem legitimam, promittendo eidem nomine Principalis vestri fidem conjugalem, cui cum ipsi Oratores, Procuratores & Mandatarii respondissent, Accipimus & promittimus, conversus, ad Serenissimam Dominam Annam junctis adhuc Amborum Dextris Videlicet Domini de Rogendorff & Serenissimae Dominae Annae, etiam in vulgari Germanico dixit verba in hanc praecise Sententiam: Domina Anna Accipitis Dominum Ferdinandum Infantem Hispaniarum & Archi-Ducem Austriae medio istorum Dominorum suae Serenitatis Oratorum, Procuratorum, & Mandatariorum in maritum legitimum promittendo Ei fidem conjugalem? ad quae ipsa Serenissima Domina Anna, modeste & dilucide respondit, Accipio & promitto, quibus Dominus Abbas haec verba subintulit, quos DEUS conjunxit, homo non separet. Insuper & dicti Domini Oratores, Procuratores & Mandatarii anulum nomine Domini Ferdinandi sponsalium in Arrham & Signum perfecti contractus matrimonialis eidem Serenissimae Dominae Annae obtulerunt, quem illa in digitum manus benevola suscepit aliumque anulum vice versa in Arrham & Signum contractus matrimonialis, sic ut praemittitur, perfecti, dictis Dominis Oratoribus, Procuratoribus & Mandatariis dedit eidem Domino & Marito suo Don Ferdinando deferendum ac praesentandum. Quo quidem annulo sic per ipsos Dominos Oratores, Procuratores & Mandatarios gratanter suscepto & faustis amborum Abbatum, caterorumque astantium praecationibus gratiisque DEO Omnipotenti redditis dicti Oratores, Procuratores, & Mandatarii pro Serenissimo Domino suo Don Ferdinando, nec non Serenissima ipsa Domina Anna nomine proprio sed & Serenissimi Hungariae Regis Oratores, Procuratores Mandatarii praememorati pro Domino suo super praedictis omnibus & singulis a nobis Notariis publicis infra scriptis petierunt sibi unum vel plura publicum seu publica confici instrumentum seu instrumenta. Acta sunt haec loco & tempore suprascriptis praesentibus ibidem, Illustri Domino Eugenio Principe Cypri, Reverendo & venerabili Patre Domino Leonardo Abbate Monasterii Montis Sancti Georgii, & Generoso Domino Guilhelmo de Rapolstein divi quondam Caesaris Maximiliani Magistro Curiae & Praeside Alsatie, Generoso Domino Bartholomaeo de Firmiano earundem Serenissimarum Dominarum Magistro Curiae, & Generoso Domino Guilhelmo de Rapolstein Juniore & Venerabilibus & Egregiis Dominis Johanne Piper & Ambrosio Tphofer Canonicis Ecclesiae Cathedralis Brixinensis & Decretorum Doctoribus, Strenuis & Nobilibus Dominis Georgio Botsch Marefcallo Regiminis in Inspruck, Cavolo Trapp de Bisinno, Joanne Cassaro de Laubenburg, Francisco de Castelalto, Guilhelmo de Reichenbach Magistro Curiae Junioris Ducis Wirtenbergensis, omnes supradicti Equites Aurati, nec non Domino Hieronimo Baltuno Utriusque Juris Doctore Caes. & Catholicae Majestatis Consiliario, Joanne & Wolffgango Nobilibus de Schlandesperg Fratribus, Joanne de Neideck testibus ad haec specialiter vocatis & rogatis, Aliisque quam pluribus fide dignis.

Deinde eadem die hora post meridiem fere sexta cum praememorata Serenissima Domina & Regina, deducantibus eas de dicta Ecclesia ad palatium, praenominatis Dominis Oratoribus, Procuratoribus & Mandatariis in Stubam magna aule proximam quae Paradisus nuncupatur, tota curia Regentium & Nobilium comitante caterva, ingressae fuissent ubi duo lectuli aureis tapetis decentissime instrati aderant Clarissima Domina Paula de Firmiano Vidua Suprema Magistra Curiae ipsam Serenissimam Dominam Annam ad apprehendendam quasi possessionem maritalis thori cum Domino & Marito suo Don Ferdinando in alterum lectulorum qui intrantibus de Aula ad dexteram stabat decenter imposuit & mox remotis Cortinis Dominus Guilhelmus de Rogendorff ad apprehendendam pari modo possessionem quasi conjugalis thori nomine Serenissimi Domini Don Ferdinandi Principalis sui cum Serenissima

853  
fima